

全上古三代秦漢三國六朝文

全隋文卷二十六

烏程嚴可均校輯

長孫平

平字處均，河南洛陽人。周柱國儉子。仕武帝爲衛王侍讀。建德初拜開府、樂部大夫。宣帝卽位，爲小司寇。大象中，代賀若弼爲壽州刺史。隋受禪，徵拜度支尚書，轉工部尚書。歷汴許貝三州刺史，轉相州刺史。免尋進位大將軍，拜太常卿。判吏部尚書事。仁壽中卒，謚曰康。

上書請積穀

臣聞國以民爲本，民以食爲命。勸農重穀，先王令軌。古者三年耕而餘一年之積，九年作而有三年之儲。雖水旱爲災，而民無菜色。皆由勸導有方，蓄積先備者也。去年亢陽，關右饑餒。陛下運山東之粟，置常平之官，開發倉廩，暫加賑賜。大德鴻恩，可謂至矣。然經

國之道，義資遠算。請勒諸州刺史縣令，勸農積穀爲務。隋書長孫平傳
奏立義倉定式。

古者三年耕而餘一年之積，九年作而有三年之備。雖水旱爲災，而人無菜色。皆由勸導有方，蓄積先備故也。去年亢陽，關內不熟，陛下哀愍黎元，甚于赤子。運山東之粟，置常平之官，開發倉廩，普加賑賜。少食之人莫不豐足，鴻恩大德，前古未比。其強宗富室，家道有餘者，皆競出私財，遞相賙贍。此乃風行草偃，從化而然。但經國之理，須存定式。隋書食貨志

長孫晟

晟，字季晟，河南洛陽人。魏上黨王稚曾孫。仕周武帝爲司衛上士。大象中，遷奉車都尉。隋受禪，授車騎將軍、儀同三司、左勳衛車騎將軍、加開府。進驃騎將軍，持節護突厥。授上開府、燭帝卽位，拜左領軍將軍。相州刺史，轉武衛將軍。遷右驃騎將軍，大

弱曲取于眾心國人愛之因爲攝圖所忌其心殊不自安述示彌縫實懷疑懼又阿波首鼠介在其間頗畏攝圖受其牽率唯強是與未有定心今宜遠交而近攻離強而合弱通使玷厥說合阿波則攝圖迫兵自防右地又引處羅遣連奚霍則攝圖分眾還備左方首尾猜嫌腹心離阻十數年後承算計之必可一舉而空其國矣

隋書長孫晟傳

奏許染干尚主

臣觀雍闐反覆無信特共玷厥有隙所曰依倚國家縱與爲婚終當必叛今若得尚公主承藉威靈玷厥染干必又受其徵發強而更反後恐難圖且染干者處羅侯之子也素有誠款于今兩代臣前與相見亦乞通婚不如許之招令南徙兵少力弱易可撫馴使敵雍闐曰爲邊捍隋書長孫晟傳開皇十三年遣晟殺大義公主雍闐又表請婚僉議將許之晟又奏

染干部落歸者既眾雖有長城之內猶被雍閻抄略往來辛苦不得廬居請徙五原古河爲固于夏勝兩州之間東西至河南北四百里掘爲橫塹令處其內任情放牧免于抄略人必自安

隋書長孫晟傳

奏請招慰都藍部落

今王師臨境戰數有功城內攜離其主被殺乘此招誘必竝來降請遣染干部下分頭招慰

隋書長孫晟傳二十年都藍大亂爲其部下所殺晟因奏請

賀婁子幹

子幹字萬壽代人世居關右仕周武帝爲司水上士累遷小司水封思安縣子尋授使持節儀同大將軍大象中除秦州刺史進爵爲伯召從平尉迥功進上開府封武川縣公隋受禪進封鉅鹿郡公鎮涼州授上大將軍徵授工部尚書仍鎮涼州授榆

關總管雲州刺史仍拜雲州總管開皇十四年卒謚曰懷
上書言隴右機宜

比者兇寇侵擾蕩滅之期匪朝伊久伏願聖慮勿以爲懷今臣在此觀機而作不得準詔行事且隴西河右土曠民稀邊境未寧不可廣爲田種比見屯田之所獲少費多虛役人功卒逢踐暴屯田疏遠者請皆廢省但隴右之民自畜牧爲事若更屯聚彌不獲安只可嚴謹斥候豈容集人聚畜請要路之所加其防守但使鎮戍連接烽候相望民雖散居必調無慮隋書賀蘭子幹傳高祖曰隴西頻被寇掠敕子幹勸民爲堡營田積穀呂備

不虞子幹上書

賀若弼

彊字輔伯河南雒陽人仕周爲齊王憲記室封當亭縣公遷小內史大象中爲壽州刺史改封襄邑縣公入隋拜吳州總管呂平陳攻進爵宋國公拜右領軍大將軍轉右武侯大將軍呂弼望免官大業三年誅

御授平陳七策

其一堵廣陵船兵一萬番代往來陳人初見設備後已爲常及大兵南伐不復疑也

其二使兵緣江時獵人馬喧噪及兵臨江陳人已爲獵也其三召老馬多買陳船而匿之買船五六十艘于瀆內陳人詎已爲內國無船

其四積葦荻于揚子津其高蔽艦及大兵將度乃卒通瀆于江其五塗戰船已黃與枯荻同色故陳人不預覺之

其六先取京口倉儲速據白土岡置兵死地故一戰而剋

其七臣奉敕兵已義舉及平京口俘五千餘人便悉給糧勞遣付其敕書命別道宣喻是已大兵度江莫不草偃十七日之聞南至林邑東至滄海西至象林皆悉平定北史六十八人賀若弼傳平陳爲御授平陳七策上弗省曰公欲發揚我名我不求名公宜自載家傳

度江視

鬻親承廟略，遠振國威。伐罪弒民，除凶翦暴。上天長江，鑒其若此。

如使福善禍淫，大軍利涉。如事有乖違，得葬江魚腹中，死且不恨。

隋書賀若弼傳

于仲文

仲文字次武，河南雒陽人。周太傅謹孫，爲趙王屬。遷安固太守，徵爲御正下大夫，封延壽郡公。授儀同三司。宣帝時，爲東郡太守。靜帝初，授開府，進位大將軍，領河南道行軍總管。隋受禪，坐事下獄，免。歷行軍元帥、行軍總管，總晉王府事。仁壽初，拜太子右衛率。煬帝即位，遷右翊衛大將軍，進位光祿大夫。遼東之敗，繫獄發病卒。

獄中上隋文帝書

臣聞春生夏長，天地平分之功。子孝臣誠，人倫不易之道。曩者尉迥逆亂，所在影從。臣任處關河，地居衝要。嘗膽枕戈，誓曰必死。迥

時購臣位大將軍邑萬戶臣不顧妻子不顧身命冒白刃遺重圍
三男一女相繼淪沒披露肝膽馳赴闕庭蒙陛下授臣曰高官委
臣曰兵革于時河南兎寇狼顧賊張臣曰羸兵八十掃除氛祲擢
劉寬于梁郡破擒讓于蓼院平曹州復東郡安城武定永昌解亳
州圍殄徐州賊席毗十萬之眾一戰土崩河南蠻聚之徒應時戡
定當羣兇問鼎之際黎元乏主之辰臣第二叔翼先在幽州總馭
燕趙南鄰羣寇北捍旄頭内外安撫得免罪戾臣第五叔智達旗
黑水與王謙爲鄰式遏蠻厥鎮綏蜀道臣兄顥作牧淮南坐制勅
敵乘機勦定傳首京師王謙竊據二江板換三蜀臣第三叔義受
脹廟廷恭行天討自外父叔兄弟皆當文武重寄或銜命危難之
間或侍衛鉤陳之側合門誠款冀有可明伏願下泣辜之恩降雲
雨之施追草昧之始錄涓滴之功則寒灰更然枯骨生肉不勝區
區之至謹冒死呂聞隋書于仲文傳文苑英華六百七十三

詐移書州縣

大將軍至可多積粟

隋書于仲文傳

于宣敏

宣敏字仲達。仲文從父弟。仕周爲右侍上士。遷千牛備身。隋受禪。拜奉車都尉。

述志賦

文佚

請召威屬爲蜀王疏

臣聞開盤后之宗漢室于是惟永建維城之固周祚所曰靈長昔秦皇置牧守而罷諸侯魏后唯詔耶而疏骨肉遂使宗社移于他族神器傳于異姓此事之明甚于觀火然山川設險非親勿居且蜀土沃饒人物殷阜西通印僰南屬荆巫周德之衰茲土遂成戎首炎政失御此物便爲禍先是召明者防于無形治者制其未亂方可慶隆萬世年逾七百伏惟陛下日角龍顏膺樂推之運參天

武地居指讓之期億兆宅心百神受職理須樹建藩屏封楠子孫繼周漢之宏圖改秦魏之覆軌抑近習之權勢崇公族之本枝但三蜀三齊古稱天險分王威屬今正其時若使利建合宜封樹得所巨猾息其非望茲臣杜其邪謀威業洪基同天地之長久英聲茂實齊日月之照臨臣雖學謝多聞然情深體國輒申管見戰灼惟深隋書于宣敏傳高祖降附

奉使撫慰巴蜀及選上疏

裴肅

肅字神封河東聞喜人北史作解人魏尚書令潛十世從孫周天和中舉秀才爲給事中士累遷御正下大夫大象中免開皇中授膳部侍郎歷朔州總管長史轉貝州長史大業中授永平郡丞上書理高煩皇太子勇蜀王秀

臣聞事君之道有犯無隱愚情所懷敢不聞奏竊見高煩呂天挺良才元勳佐命陛下光寵亦已優渥但鬼瞰高明世疵俊異側目

求其長短者，豈可勝道哉。願陛下錄其大功，忘其小過。臣又聞之古先聖帝教而不誅，陛下至慈度越前聖。二庶人得罪已久，竊無革心，願陛下弘君父之慈，顧天性之義，各封小國，觀其所爲，若能遷善，漸更增益，如或不悛，貶削非晚。今者自新之路永絕，愧悔之心莫見，豈不哀哉？隋書裴徽傳仁壽中蕭見皇太子勇獨王秀左僕射高頤俱廢黜遣使上書

史祥

祥字世休，朔方人。仕周爲太子車右中士。襲父鑑爵武遂縣公。隋受禪，拜儀同領交州事。進封陽城郡公。轉驃騎將軍，進位上開府，斬州總管，徵拜左翊衛將軍，遷右衛將軍。煬帝卽位，進位上大將軍，轉太僕卿，遷鴻臚卿，進左光祿大夫，左驃騎將軍。從征遼東，失利，除名爲民。尋拜燕郡太守。爲高開道所獲，送于羅

蘇道卒。

荅皇太子庶書

行人戾止奉所賜脫恩紀綱繆形二十丈墨不悟飛雪增冰之地忽
誠三陽毳幕韋韁之鄉俄聞九奏精駭思越莫如啟處祥少不學
軍旅長遇升平幸呂先人緒餘備職宿衛懼駕塞無致遠之用朽
薄非折衝之材豈欲追蹤古人語其優劣曩者王師薄伐天人受
脹絕漠揚旌威震海外當此之時猛將如雲謀夫如雨至若祥者
列于卒伍預聞指蹤之規得免遐邇之責循涯揣分實爲幸甚爰
呂情喻雷陳事方劉葛信聖人之屈己非庸人之擬議何則川澤
之大汗潦攸歸松柏之高萬蘿斯託微心下惄孟矣所知也仰惟
體元良之德煥重離之暉三善克脩萬邦呂正斯固道高周誦契
叶商皓豈在管蠡所能窺測伏承監國多暇奉德怡神咀嚼六經
逍遙百氏追西園之愛客眷南皮之出遊疇昔之恩無忘造次祥
自忝式遏載罹寒暑身在邊隅情馳魏闕每至清風夕起朗月孤
照想鳴葭之啟路思託乘于後車塞表京華山川悠遠瞻望浮雲

伏增清結

隋書史祥傳文苑英華六百六十七

鄭善果

善果滎陽人周大象中召父誠拒尉遲迴戰死襲爵開封縣公授使持節大將軍開皇初進封武德郡公歷沂景二州刺史尋爲魯郡太守大業中徵拜光祿卿徙大理卿

送舍利沂州善應寺感應表

臣聞敬天育物則乾象著其能順地養民則坤元表其德是㠭陶唐砥躬勿懈伏氣呈祥夏后水土成功玄圭告錫方知天時人事影響若神伏惟陛下秉圖指讓受命君臨區宇無塵聲教盡六合弘光大慈愍無邊天佛垂鑒降茲榮福塔基六處竝得異沙炫燿相暉俱同金寶牛爲禮拜太古未經雲勝五色于今方見又感蛇形雜采盤旋塔基鵠臚玄素徘徊空際雖軒皇景瑞空傳舊章漢帝慶徵徒書簡冊自非德降三寶道冠百王豈能感斯美慶致招

靈異法苑珠林三十三編
高僧傳十二法珍

劉暉

暉仕周入隋位儀同太史令開皇十七年除名

駁張胄玄新厤

命厤序僖公五年天正壬子朔旦冬至左氏傳僖公五年正月辛亥朔日南至張賓厤天正壬子朔冬至合命厤序差傳一日張胄玄厤天正壬子朔合命厤序差傳一日甲寅冬至差命厤序二日差傳三日成公十二年命厤序天正辛卯朔旦日至張賓厤天正辛卯朔冬至合命厤序張胄玄厤天正辛卯朔合命厤序二日壬辰冬至差命厤序一日昭公二十年春秋左氏傳二月己丑朔日南至準命厤序庚寅朔旦日至張賓厤天正庚寅朔冬至竝合命厤序差傳一日張胄玄厤天正庚寅朔合命厤序差傳一日二日辛卯冬至差命厤序一日差傳二日宜案命厤序及春秋左氏傳

竝閏餘盡之歲皆須朔旦冬至若依命厤序勘春秋三十七食合處至多若依左傳合者至少是已知傳爲鑑今張胄玄信情置閏命厤序及傳氣朔竝差又宋元嘉冬至影有七張賓厤合者五差者二亦在前一日張胄玄厤合者三差者四在後一日元嘉十二年十一月甲寅朔十五日戊辰冬至日影長張賓厤合戊辰冬至張胄玄厤己巳冬至差後一日十三年十一月己酉朔二十六日甲戌冬至日影長張賓厤癸酉冬至差前一日張胄玄厤合甲戌冬至十五年十一月丁卯朔十八日甲申冬至日影長二厤竝合甲申冬至十六年十一月辛酉朔二十九日己丑冬至日影長張賓厤合己丑冬至張胄玄厤庚寅冬至差後一日十七年十一月乙酉朔十日甲午冬至日影長張賓厤合甲午冬至張胄玄厤乙未冬至差後一日十八年十一月己卯朔二十一日己亥冬至日影長張賓厤合己亥冬至張胄玄厤庚子冬至差後一日十九年

十一月癸卯朔三日乙巳冬至日影長張賓麻甲辰冬至差前一日
乙卯合得冬夏至日影一十四張賓麻合得者十差者四三差前
一日一差後一日張胄玄麻合者五差者九八差後一日一差前
一日天和二年十一月戊戌朔三日庚子冬至日影長張賓麻合
庚子冬至張胄玄麻辛丑冬至差後一日三年十一月壬辰朔十
四日乙巳冬至日影長張賓麻合乙巳冬至張胄玄麻丙午冬至
差後一日建德元年十一月己亥朔二十九日丁卯冬至日影長
張賓麻丙寅冬至差前一日張胄玄麻合丁卯冬至二年五月丙
寅朔三日戊辰夏至日影短張賓麻己巳夏至差後一日張胄玄
麻庚午夏至差後二日三年十一月戊午朔二十日丁丑冬至日
影長張賓麻合丁丑冬至張胄玄麻戊寅冬至差後一日六年十
一月庚午朔二十三日壬辰冬至日影長張賓麻合壬辰冬至張

胄立麻癸巳冬至差後一日宣政元年十一月甲午朔五日戊戌
冬至日影長兩厤竝合戊戌冬至開皇四年十一月己未朔十一
日己巳冬至日影長張賓厤合己巳冬至張胄立麻庚午冬至差
後一日五年十一月甲寅朔二十二日乙亥冬至日影長張賓厤
甲戌冬至差前一日張胄立麻合有脫文庚辰冬至七年五月乙亥
朔九日癸未夏至日影短張賓厤壬午夏至差前一日張胄立麻
合癸未夏至十一月壬申朔十四日乙酉冬至日影長張賓厤合
乙酉冬至張胄立麻丙戌冬至差後一日十一年十一月己卯朔
二十八日丙午冬至日影長張賓厤合丙午冬至張胄立麻丁未
冬至差後一日十四年十一月辛酉朔日冬至張賓厤合十一月
辛酉朔日冬至張胄立麻十一月辛酉朔二日壬戌冬至差後一
日建德四年四月大乙酉朔三十日甲寅月晨見東方張賓厤四
月大乙酉朔三十日甲寅月晨見東方張胄立麻四月小乙酉朔

五月大甲寅朔月晨見東方宜案影極長爲冬至影極短爲夏至
二至自古史分可勘者二十四其二十一有影三有至日無影見
行厤合一十八差者六張胄立厤合者八差者一十六二差後二
日十四差後一日又開皇四年在洛州測冬至影與京師二處
進退絲毫不差周天和已來案驗在後更檢得建德四年晦朔東
見張胄立厤五月朔日月晨見東方今十七年張賓厤閏七月張
胄立厤閏五月又審至呂定閏胄立厤至既不當故知置閏必乖
見行厤四月五月頻大張胄立厤九月十月頻大爲胄立朔弱頻
大在後晨故朔日殘月晨見東方宜又案開皇四年十二月十五
日癸卯依厤月行在鬼三度時加酉月在卯上食十五分之九虧
起西北今伺候一更一籌起食東北角十五分之十至四籌還生
至二更一籌復滿五年六月三十日依厯太陽虧日在七星六度
加時在午少強上食十五分之一半強虧起西南角今伺候日乃

在午後六刻上始食虧起西北角十五分之六至未後一刻還生至五刻復滿六年六月十五日依厤太陰虧加時酉月在卯上食十五分之九半弱虧起西南當其時陰雲不見月至辰巳雲裏見月已食三分之二虧從東北卽遁雲合至巳午間稍生至午後雲裏覩見已復滿十月二十日丁丑依厤太陽虧日在斗九度時加在辰少弱上食十五分之九強虧起東北角今候所見日出山一丈辰二刻始食虧起正西食三分之二辰後二刻始生入巳時三刻上復滿十年三月十六日癸卯依厯月行在氐七度時加戌月在辰太半上食十五分之七半強虧起東北今候月初出卯南帶半食出至辰初三分可食一分許漸生辰未已復滿見行厤九月十六日庚子月行在胃四度時加丑月在未半強上食十分之三半強虧起正東今伺候月旦午後一刻食起正東須臾如南至未正上食南畔五分之四漸生入申一刻半復滿十二年七月十五

日己未依麻月行在室七度時加戊月在辰太強上食十五分之十二半弱虧起西北今伺候一更三籌起西北上食准三分之二強與麻注同十三年七月十六日依麻月在申半強上食十五分之半弱虧起西南十五日夜從四更候月五更一籌起東北上食半強入雲不見十四年七月一日依麻時加己弱上食食十五分之十二半強至未後三刻日乃食虧起西北食半許入雲不見食頃暫見猶未復生因卽雲鄣十五年十一月十六日庚午依麻月行在井十七度時加亥月在巳半上食十五分之九半強虧西北其夜一更四籌後月在辰上起食虧東南至二更三籌月在巳上食三分之二許漸生至三更一籌月在丙上復滿十六年十一月十六日乙丑依麻月行在井十七度時加丑月在未太弱上食十五分之十二半弱虧起東南十五日夜伺候至三更一籌月在丙上雲裏見已食十五分之三許虧起正東至丁上食既後從東南

生至四更三籌月在未末復滿而胄立不能盡中

隋書律麻志中開皇十七年張胄玄麻成奏之上付楊素等校其短長劉暉與國子助教王頤等執舊麻術迭相駁難與同牘劉宜接據古史影等駁胄立云

賜進士出身二品銜廣東等處提刑按察使司按察使兼督驛傳務黃岡王毓漢校刊

全隋文卷二十七

烏程嚴可均校輯

劉炫

炫字光伯，河間景城人。周建德末爲州戶曹從事，後署禮曹從事，開皇中除禮部將軍，坐事除名。後爲旅騎尉，大業中射策高第，除太學博士，去職，凍餒死。門人謚曰宣德先生。有尚書述義二十卷，毛詩述義四十卷，注詩序一卷，春秋左氏傳述義四十卷，春秋左氏傳杜預序集解一卷，春秋攻昧十二卷，規過三卷，古文孝經述義五卷，論語述義十卷，五經正名十二卷，算術一卷。

卷

筮塗北史八十二炫擬屈原卜居爲筮塗呂自寄

駁牛弘禮絕傷暮議

吏部尚書牛弘建議曰：「爲禮者，庶絕傷暮大夫降一等。今之上柱

國雖不同古諸侯比大夫可也官在第二品宜降傍親一等議者多呂爲然炫駁之曰古之仕者宗一人而已庶子不得進由是先王重適其宗子有分祿之義族人與宗子雖疏遠猶服縗三月良由受其恩也今之仕者位呂才升不限適庶與古既異何降之有

今之貴者多忽近親若或降之民德之疏自此始矣

隋書劉炫傳

撫夷論北史八十二 炫呂爲遼東不可伐作撫夷論呂颯及大業之季炫言方驗

自狀

周禮禮記毛詩尚書公羊左傳孝經論語孔鄭王何服杜等注凡十三家雖義有精粗竝堪講授周易儀禮穀梁用功差少史子文集嘉言美事咸誦于心天文律曆窮覈微妙至于公私文翰未嘗

假手隋書劉炫傳

自贊

通人司馬相如揚子雲馬季長鄭康成等皆自敘風徽傳芳來葉

余豈敢仰均先達、貽笑後昆。徒日迫桑榆、大命將近。故友飄零、
門徒雨散。溘死朝露、埋魂湖野。覩故莫照其心、後人不見其迹。殆
及餘喘、薄言胸臆。貽及行邁、傳示州里。使夫將來俊哲、知余鄙志。
耳余從縮髮呂來、迄于白首。娶孩爲慈親所怨、棰楚未嘗加從學。
爲明師所矜、棲楚弗之及。暨乎致敘邦族、交結等夷。重物輕身、先
人後己。昔在幼弱、樂參長者。爰及耆艾、數接後生。學則服而不厭、
誨則勞而不倦。幽情寡過、心事多違。內省生平、顧循終始。其大幸
有四。其深恨有一。性本愚蔽、家業貧窶。爲父兄所饒、廁措紳之末。
遂得博覽典誥、窺涉今古。小善著于丘園、虛名聞于邦國。其幸一
也。隱顯人間、沈浮世俗。數忝徒勞之職、久執城旦之書。名不挂于
白簡、事不染于丹筆。立身立行、慙恧實多。啟手啟足、庶幾可免其
幸二也。呂此庸虛、屢動神眷。呂此卑賤、每升天府。齊鑣驥驛、比翼
鵠鴻。整緋素于鳳池、記言動于麟閣。參謁宰輔、造請羣公。厚禮殊

恩增榮改價其幸三也。晝漏方盡，大蓋已嗟退，反初服歸骸故里。
翫文史，呂怡神，閱魚鳥，呂散慮。觀省井閭，登臨園沼，緩步代車，無
罪爲貴，其幸四也。仰休明之盛世，慨道教之陵遲，踏先儒之逸軌，
傷羣言之蕪穢，馳鴛墳典，釐改僻謬，修撰始畢，圖書適成，天違人
願，途不我與，世路未夷，學校盡廢，道不備于當時，業不傳于身後，
銜恨泉壤，實在茲乎？其深恨一也。（隋書劉茲傳）

劉焯

焯字士元，信都昌亭人。周末爲州博士，開皇中冀州刺史趙禡
引爲從事，舉秀才，射策甲科，直門下省，除員外將軍，假歸，爲縣
功曹。後入國子，坐事除名。仁壽末，除雲騎尉。煬帝卽位，遷太學
博士。召疾去職，有稽極十卷，麻書十卷。

上皇太子啟論律呂

樂主于首，音定于律，音不可克譜，度律則鍾，于是乎在，但

律終小呂數復黃鍾舊計未精終不復始故漢代京房妄爲六十而宋代錢樂之更爲三百六十攷禮詮次豈有得然化未移風將恐由此匪直長短失于其差亦自管圍乖于其數又尺寸意定莫能詳攷既亂管絃亦乖度量焯皆校定庶有明發其黃鍾管六十三爲實召次每律減三分曰七爲寸法約之得黃鍾長九寸太簇長八寸一分四釐林鍾長六寸應鍾長四寸二分八釐七分之四

隋書律
麻志上

上皇太子啟論渾天

玲瓏玉衡正天之器帝王欽若世傳其象漢之孝武詳攷律麻糭洛下閼鮮于妄人等共所營定逮于張衡又尋述作亦其體制不異閼等雖閼制莫存而衡造有器至吳時陸續王蕃並要修鑄續小有異蕃乃事同宋有錢樂之魏初晁崇等總用銅鐵小大有殊規域經模不異蕃造觀蔡邕月令章句鄭玄注考靈曠勢同衡法

迄今不改，焯昌愚管，畱情推測，見其數制，莫不違爽失之千里。差在毫釐，大象一乖，餘何可驗？況赤黃均度，月無出入，分至所恆，定氣不別，衡分刻本差，輪迴守故，其爲疏謬，不可復言。亦旣由理不明，致使異家間出，蓋及宣夜、三說並驅，平昕安寧，四天騰沸，至當不二，理唯一揆。豈容天體七種殊說，又影漏去極，就渾可推，百骸共體，本非異物。此眞已驗，彼僞自彰。豈朗日未暉，燭火不息，理有而闕，詎不可悲者也？昔蔡邕自朔方上書曰：「臣八尺之儀度，知天地之象，古有其器，而無其書。常欲寢伏儀下，案度成數，而爲立說。邕昌負罪朔裔，書奏不許。邕若蒙許，亦必不能。邕才不踰張衡，衡本豈有遺思也？則有器無書，觀不能悟。焯今立術，改正舊渾，又昌二至之數，定去極晷漏，并天地高遠，星辰運周，所宗有本，皆有其率。」社令賢之巨惑，稽往哲之羣疑，豁若雲披，朗如霧散，爲之錯綜數卷，已成待得。影差謹更啟送。周官夏至日影尺有五寸，張衡鄭

玄王蕃陸續先儒等皆已爲影千里差一寸言南戴日下萬五千
里表影正同天高乃異攷之算法必爲不可寸差千里亦無典說
明爲意斷事不可依今交愛之州表北無影計無萬里南過戴日
是千里一寸非其實差焯今說渾已道里爲率道里既定得差乃
審既大聖之年升平之日釐改羣謬斯正其時請一水工并解算
術士取河南北平地之所可量數百里南北使正審時已漏平地
已繩隨氣至分同日度影得其差率里即可知則天地無所置其
形辰象無所逃其數超前顯聖效象除疑請勿已人廢言不用

隋書

天文志上仁壽四年河圖焯焯造極麻上敬于東宮論禪天又見開元占經一

上皇太子啟

自木鐸寢聲緒言成燼羣生蕩析諸夏沸騰曲技雲浮疇官雨絕
麻紀壞廢千百年矣焯已庸鄙謬荷甄擢專精藝業耽詵數象自
力羣儒之下冀覩聖人之意開皇之初奉敕修撰性不諧物功不

克終猶被胄玄竊爲已法未能盡妙協時多爽戶官亂日寶玷皇
猷請徵胄玄答驗其長短隋書律
麻志下

言張胄玄新麻之誤于皇太子

其一曰張胄玄所上見行麻日月交蝕星度見畱雖未盡善得其
大較官至五品誠無所愧但因人成事非其實錄就而討論違舛
甚眾

其二曰胄玄弦望晦朔違古且疏氣節閏候乖天爽命時不從子
半晨前別爲後日日纏莫悟緩急月遠妄爲兩種月度之轉輒遺
盈縮交會之際意造氣差七曜之行不循其道月星之度行無出
入應黃反赤當近更遠虧食乖準陰陽無法星端不協珠璧不同
盈縮失倫行度愆序去極晷漏應有而無食分先後彌爲煩碎測
今不審攷古莫通立術之疏不可紀極今隨事糾駁凡五百三十

六條

其三曰胄玄呂開皇五年與李文琮子張賓麻行之後本州貢舉
卽齋所造麻擬呂上應其麻在鄉陽流布散寫甚多今所見行與
焯前麻不異玄前擬獻年將六十非是忽迫倉卒始爲何故至京
未幾卽變同焯麻與舊懸殊焯作于前玄獻于後捨已從人異同
暗食且孝孫因焯胄玄後附孝孫麻術之文又皆是孝孫所作則
元本偷竊事甚分明恐胄玄推諱故依前麻爲駁凡七十五條并
前麻本俱上

其四曰玄爲史官自奏虧食前後所上多與麻違今算其乖舛有
一十三事又前與太史令劉暉等校其疏密五十四事云五十三
條新計後爲麻應密于舊見用算推更疏于本今糾發並前凡四
十四條

其五曰胄玄于麻未爲精通然孝孫初造皆有意徵天推步事必
出生不是空文徒爲臆斷

其六曰：焯，昌開皇三年奉敕修造顧循記注。自許精微，秦漢以來無所與讓。尋聖人之迹，悟曩哲之心。測七曜之行，得三光之度。正諸氣規，成一厯象。會通今古，符允經傳。稽于庶類，信而有徵。自玄所造，焯法皆合。皆玄所闡，今則盡存。曇括始終，謂爲總備。隋書律
仁壽四年焯言胄
下
厯志

玄之誤于皇太子

王貞

貞字孝逸，梁郡陳留人。開皇初，汴州刺史樊叔略引爲主簿。後舉秀才，授縣尉。謝病去職。

江都賦文佚

謝齊王索文集啟

屬賀德仁宣教。須少來所有拙文，昔公旦之才，蘊能事鬼神；夫子之文章，性與天道。雅志傳于游夏，餘波鼓于屈宋。雕龍之述，具在風騷；而前賢後聖，代相師祖。賞逐時移，出門分路。變清音于正始，

體高致于元康、咸言坐握蛇珠、誰許獨爲麟角。李遂生于爭戰之
季、長于風塵之世、學無半古才不逮人、往屬休明、才陰已戾、雖居
可封之屋、每懷貧賤之心、適郢郢而迷塗、入邯鄲而失步、歸來反
覆、心灰遂寒、豈謂橫議過實、虛塵空鑒、枉高車、自載鵠、費明珠、召
彈雀、遂得襄糧。二月重高門之餘地、背淮千里望章臺之後、墜與
懸黎、而並肆將駿驥而同卓、終朝擊缶、昧黃鍾之所諧、旦暮卻行
何前人之能及、顧想平生、獨塗多感、但日積年沈痼、遺忘日久、拙
思所存、纔成三十三卷、仰而不至、方見學仙之遠窺、而不覩始知
游聖之難、咫尺天人、周章不暇、怖甚真龍之降、慚過白豕之歸、伏
紙陳情形、神悚越隋書王貞傳

劉孝孫

孝孫爲掖縣丞入直太史開皇十四年卒

駿張賓麻

其一云何承天不知分閏之有失而用十九年之七閏其二云賓等不解宿度之差改而冬至之日守常度其三云連珠合璧七曜須同乃呂五星別元其四云賓等唯知日氣餘分恰盡而爲立元之法不知日月不合不成朔旦冬至其五云賓等但守立元定法不須明有進退其六云賓等唯識轉加大餘二十九日爲帆不解取日月合會準呂爲定此六事微妙麻數大綱聖賢之通術而暉未曉此實管窺之謂也若乃驗影定氣何氏所優賓等推測去之彌遠合朔順天何氏所劣賓等依據循彼迷蹤蓋是失其精華得其糠粃者也

隋書律曆志中張賓之歷劉孝孫與冀州秀才劉焯並稱其失所驗凡有六條

魏明帝時有尚書郎楊偉修景初曆乃上表立義駁難前非云加時後天食不在朔然觀楊偉之意故自食朔爲真未能詳之而制其法至宋元嘉中何承天署曆其上表云月行不定或有遲疾合朔月食不在朔望亦非曆之意也然承天本意欲立合朔之術遺

皮延宗飾非致難故事不得行至後魏獻帝時有龍宜弟復修延興之麻又上表云日食不在朔而習之不廢據春秋書食乃天之驗朔也此三人者前代善麻皆有其意未正其書但麻數所重唯在朔氣朔爲朝會之首氣爲生長之端朔有告餼之文氣有郊迎之典故孔子命麻而定朔旦冬至日爲將來之範今孝孫麻法竝案明文日月行遲疾定其合朔欲令食必在朔不在晦二之日也縱使頻月一小三大得天之統大抵其法有三令列之云

第一勘日食證恆在朔引詩云十月之交朔日辛卯日有食之今日甲子元麻術推算符合不差春秋經書日合三十五二十七日食經書有朔推與甲子元麻不差八食經書並無朔字左氏傳云不書朔官失之也公羊傳云不言朔者食二日也穀梁傳云不言朔者食晦也今日甲子元麻推算俱是朔日丘明受經夫子於理尤詳公羊穀梁皆臆說也春秋左氏隱公三年二月己巳日有食

之

推合己巳

莊公十八年春三月日有食之

推合壬子朔

僖公十二年三

月庚午日有食之

推合庚午朔

十五年夏五月日有食之

推合癸未朔

襄公

十五年秋八月丁未日有食之

推合丁巳朔

前後漢及魏晉四代所記

日食朔晦及先晦都合一百八十一

今呂甲子元麻術推之竝合

朔日而食

前漢合有四十五食

三食竝先晦一日三十二食

後漢

合有七十四食

三十七食竝皆晦日三十食竝皆朔日

魏合有十四食

四食竝皆晦

晉合有四十八食

二十三食竝皆朔日

第二勘度差變驗

尚書云日短星昴日正仲冬卽是唐堯之時冬

至之日日在危宿

合昏之日時昴正午案竹書紀年堯元年丙子

今日甲子元麻術

推算得合堯時冬至之日合昏之時昴星正午

漢書武帝太初元年丁丑歲

落下閏等攷定太初麻冬至之日日

在牽牛初今日甲子元麻術

算卽得斗末生初矣晉時有姜岌又

古月食驗于日度知冬至之日日在斗

十七度宋文帝元嘉十年

癸酉歲何承天攷驗乾度亦知冬至之日日在斗十七度雖言冬至後上三日前後通融只合在斗十七度但堯年漢日所在既殊唯晉及宋所在未改故知其度理有變差至今大隋甲辰之歲攷定麻數象呂稽天道知冬至之日在斗十三度

第三勘氣影長驗春秋緯命厯序云魯僖公五年正月壬子朔旦冬至今日甲子元麻術推算得合不差宋書元嘉十年何承天呂土圭測影知冬至已差三日詔使付外攷驗起元嘉十三年爲始畢元嘉二十年八年之中冬至之日恆與影長之日差校三日今呂甲子元麻術推算但是冬至之日恆與影長之日符合不差詳之如左十三年丙子天正十八日厯注冬至十五日影長卽是今麻冬至日十四年丁丑天正二十九日厯注冬至二十六日影長卽是今麻冬至日十五年戊寅天正十一日厯注冬至陰無影可驗今麻八日冬至十六年己卯天正二十一日厯注冬至十八日

影長，卽是今麻冬至日十七年庚辰天正二日麻注冬至十月二十九日影長，卽是今麻冬至日十八年辛巳天正十三日麻注冬至十一日影長，卽是今麻冬至日十九年壬午天正二十九日麻注冬至陰無影可驗今麻二十二日冬至二十年癸未天正六日麻注冬至三日影長，卽是今麻冬至日

同上

張肖玄

胄玄渤海蓚人開皇中徵授雲騎尉直太史參議律麻事擢拜員外散騎侍郎兼太史令改定新麻大業中卒官有七曜麻疏五卷

駁難劉焯皇極麻

焯麻有歲率月率而立定朔月有三大三小案歲率月率者平朔之章歲章月也已平朔之率而求定朔值三小者猶似減三五爲十四值三大者增三五爲十六也校其理實竝非十五之正故張

衡及何承天創有此意爲難者執數日校其率率皆自敗故不克成今焯爲定朔則須除其平率然後爲可

隋書律
縣志下

顏敏達

放楚開皇中爲內史通事舍人

上言新曆

漢時洛下閻改顓頊厯作太初曆云後當差一日八百年當有聖者定之計今相去七百一十年術者舉其成數聖者之謂其在今

乎

隋書張胄玄傳又見律
縣志中又北史八十九

陸法言

法言名慈字行魏郡臨漳人開皇中爲承奉郎父夾嘗奏更

皇太子諸子名字及太子廢而復先卒文帝追案坐除名有切

韻五卷

切韻序

昔開皇初有儀同劉臻等八人同詣法言門宿夜永酒闌論及音韻呂今聲調既自有別諸家取舍亦復不同吳楚則時傷輕淺燕趙則多傷重濁秦隴則去聲爲入梁益則平聲似去又支脂魚虞共爲一韻先仙尤矣俱論是切欲廣文路自可清濁皆通若賞知音卽須輕重有異呂靜韻集夏侯該韻略陽休之韻略周思言音韻李季節音譜杜臺卿韻略等各有乖互江東取韻與河北復殊因論南北是非古今通塞欲更斟酌精切除削疏緩蕭顏多所決定魏著作謂法言曰向來論難疑處悉盡何不隨口記之我輩數人定則定矣法言卽燭下握筆略記綱紀博問英睿殆得精華于是更涉餘學兼從薄宦十數年間不遑修集今返初服私訓諸弟子凡有文藻卽須明聲韻屏居山野交游阻絕疑惑之所質問無從亡者則生死路殊空懷可作之歎存者則貴賤禮隔已報絕交之旨遂取諸家音韻古今字書呂前所記者定之爲切韻五卷剖

析豪釐，分別黍累，何煩泣。五未得縣金藏之名山，昔怪馬遷之言。
大持呂蓋讚今歎揚雄之口吃非是小子專輒乃述羣賢遺意，蘊
敢施行人世。直欲不出戶庭，于時歲次辛酉，大隋仁壽二年。宋本廣韻

蘇夔

夔字伯尼，京兆武功人。魏度支尚書綽孫。歷太子通事舍人，遷
太子舍人，加武騎尉。仁壽末，拜晉王友。煬帝卽位，遷太子洗馬。
轉司朝謁者，免。後歷尚書職方郎、燕王司馬，拜朝散大夫、鴻臚
少卿，進通議大夫。

駁鄭譯新樂有七調

韓詩外傳所載樂聲感人，及月令所載五音所中，竝皆有五，不言
變宮變徵。又春秋左氏所云七音六律，呂奏五聲，準此而言。每宮
應立五調，不間更加變宮變徵。二調爲七調，七調之作所出，未詳。
隋書音樂志中柱國沛公鄭譯作八音之樂七音之外更立一聲謂之應聲因作書二十餘篇時邵國公世子蘇夔亦稱明樂駁譯

常得志

得志京兆人一作德志爲秦王俊記室

兄弟論

并序

余召天倫篤睦日重月深每惟兄弟孔懷在物無喻嘗讀陸士衡之兄弟文慙慙懇懇未嘗不廢卷歎息向其爲人而世人云陸機兄弟同居召之爲異傷哉斯固異其所稀見也將恐悠悠千載不無此感故託陸之旨召作論云

客謂陸平原曰吾聞天降地騰夫婦之情見矣星分岳列兄弟之義存焉是召聖人之立教也上稽玄極下順人情故使判合爲同心之親昆季有異居之道斯則人倫之大典豈作者之謬陳哉而子大夫名爲習禮伯仲無門庭之別室家無琴瑟之閒雖激揚風俗獨爲君子違道任心將使先人事也事不師古蒙竊惑焉豈有說乎願聞其旨平原曰何居斯言之玷可謂未學膚受曾莫是師

卽如君子之談必且輕于身而累于俗。百_{疑作}_矣獨不聞夫六龍方
駕，斯有御天之功。駟馬班姐用效行地之力。是故大鵬之始，宛轉
北溟，鄧林之初，婆娑下土。至于羽翮相資，遂能負蒼天而遊孽青。
雲而立此，則相須之道弘也。至如梁山萬仞，上千星辰，楚殿三休。
俯臨風雨，及土石異勢，棖桷分離，與沙麓俱崩，坳塘共泯。此則相
須之道乖也。是知同德者易爲功，離心者難爲力。在物猶爾，而況
人乎？然不善其_莫_{疑作}大，于不睦，溺于情者薄于義，寡于私者豐于
道，故牝雞晨鳴，三賢爭戮，關雎樂得十亂，同知故名賢之所聞，豈
烏有之談也？且夫兄弟者，同天共地，均氣連形，方手足而猶輕擬
山岳而更重，雲蛇可斷，兄弟之道無分。鵩鵠載飛急難之情，斯切
先王知兄弟之爲重也。故歌之于韶夏之舞，誦之于風雅之篇，敦
骨肉而正人倫，風鬼神而動天地，大矣哉！請爲左右梗概其說。夫
兄弟之情也，受之于天性，生之于自然，不假物以成親，不因言而

結愛閨牆不妨于禦侮踰里猶惜于伐樹馭朽則須洛而歌彎弓
則涕泣而道斯乃情存于不捨義形于惻隱豈如悠悠良辰從容
永歎而已是㠭四鳥禽也不能各離別之聲三荆木也不能忍分
張之痛矧在人流有覩面目折枝分骨如何勿傷至于夫妻之爲
義矣非有血屬之親譬猶風虎雲龍騰嘯相感如髡彼兩髦結歡
二族始有共牢之禮終爲同穴之親斯亦未爲輕也然而德在聽
從主唯蘋藻不可㠭寄百里之命不可㠭託六尺之孤況有棄姓
無常拂衣再醮至如買臣之室主父之妻固未可㠭言也自非道
讚移天德均惟鵠孰能長螽斯之羽翼茂葛藟之本根者乎是㠭
通人君子動無失德全同生之重則恭順有章戒惟家之索而椒
蘭無替夫妻和于鼎餗兄弟穆于清風綠衣無口口之悲角弓匪
駢駢之歎其或分星宅土開國承家則能藩屏維城左右王室力
足拔山不敢問九鼎之重才能勳俗不敢窺司馬之門遂使封豕

長蛇望國門而斂迹井蛙慕燕覩蠶石而飛鳴故能本支百代洪
基峻極配合二儀平章百姓其在白屋黃冠草門圭竇三逕五畝
有足相容至有同衾共席推梨讓棗樂呂簞瓢榮同華萼死生契
闊白刃交前弟瘦兄肥無胥遠矣爾其友于怡怡揚名日顯高視
風俗長揖搢紳斯又足爲樂也而無賴之徒不思其友或溺于私
愛棄彼天倫生在膏腴乘藉地勢錫珪分竹奄有山河不能輔車
相依股肱同患乃欲搖動我家宗拔塞我本源竟而青蠅飛于干
旌無極遊于二異集矢長勺撫劙共池是㠯五爭四裂非關地闢
之妖九合一匡猶見蟲流之禍鬼神不勝其酷生民不勝其弊吁
可畏也何其謬哉又有里閈之人繩樞之子棲息不過于蓬草咀
嚼不越于糟糠無財可不忿爭乃復尺布斗粟不能相容睚眦蘿
介側目切齒遂使蕞爾箕帚蠢爾孩童冀菲其章成是貝錦于是
乎分裂鷗魚稱競鴻毛骨肉爲行路之人兄弟無陟岡之望痛矣

悲矣何必情矣宮之奇脣亡之歎深可撫心王叔治斷臂之言足爲流漾其知也如此其謬也如彼遠乎得失豈可同年而語哉是知禍福無門唯人所召靜言成敗則可得而論何則存亡之道若行邁之有途得之者安于廟堂失之者顛沛斯及至如三叔狼顧七國難連鴻虎搏噬江山表裏當其時也滄波可汲而斷泰山可蹋而覆朱旗尙卷蒼兕未馳不得高壘之謀勿俟衝枚之陣固呂冰判瓦解魚潰鳥驚身膏草葬名彰史策經過者爲之迴車言談者爲之洗耳斯豈時不利而兵不動者哉固呂天地所不容人神所同惡者也斯乃在和不在眾在德不在強商周之不敵亦所聞也假使驃長狄駕遺風宋萬附輿慶忌參乘勅弓飲石長劒挂頭頤疑作冠雞佩假掩象拉兜然而使之超九折跨三危浮呂梁赴滄海五尺童子知其必亡何則道之非也苟令心腹無瑕昆季輯穆雖使要離策杖不占緩步固流九遠容可危乎近者劉荊州之意

氣衰渤海之縱橫當其吐納荆揚鞭笞河朔猛將厲于鵠鷗謀臣
盛于雲雨從容嘯咤有席捲八荒之心固已震懼人靈熏灼宇宙
者既而良圖未就壯志先秋瘡痏實生蕭牆糜濶天道與人共往
生人與草木俱萎雖睦于曹公尚無旰食之暇安得馬上而舞哉
斯有惑之甚也豈如稷契昇朝同心同德魯衛爲政雖休勿休得
使康哉良哉洋洋盈耳卜世卜年之祚悠悠無極是知管蔡之玉
食不如夷齊之口口君頽之萬不如延陵之退耕詩不云乎彼令
兄弟綽有餘裕不令兄弟交相爲疵善哉言也吾無間然今吾子
呂同穴者重之于天倫異居者成之于行路是見詩人之糟粕未
覩宮牆之室家固未可與適道也若呂骨月遠而爲疏卽手足無
心腹之用判合近而爲重卽衣衾爲血屬之親若衣衾附體而可
離手足遠身而可絕斯則室家之不侔于兄弟固亦明矣況作者
之意有異是乎夫異家者所曰避私同穴者示曰不返故傳曰昆

季一體。又兄弟之道無分然而有分者何謂異居同財者若委支
體于口路阻天倫于胡越固非其所謂願聞也且余聞士龍少遭
憫凶攀風樹而興歎懷仁義旨罔極零丁齟齬寔忌霜口契闊九
夷更相爲命常恐黃耳蕭條白駒超忽洞口口葉零巖花落無時
雖復飲啄相依光華未著跕天蹐地每深慚德友于兄弟何日忘
之將謂吾子有旨成教而反問我比旨流俗祇足旨攬其心慮非
所望于吾賢也于是客赧然而起曰僕固小人無聞至道雖生堯
舜之代未登孔丘之堂苟有脣而無心遂逐情而忘性言排名義
之外身陷泥塗之下今子大夫幸而見覩博我旨友弟弘我旨禮
經洋洋乎理出天人之表恢恢焉道周仁義之鄉而今而後謹聞
命矣是知安社稷御邦家調陰陽化風俗播清猷于紺素垂令範
于祭毗橫之于天地而自安處之于生死而無慮者其惟兄弟乎

賜進士出身二品銜廣東等處提刑按察使司按察使兼管驛傳事務黃岡王毓灝校刊

全隋文卷二十七終

全隋文卷二十八

烏程嚴可均校輯

王孝藉

藉字口口口人開皇中召入祕書口口卒于家

上牛弘書

竊言毒蠍噏膚則申旦不寐飢寒切體亦卒歲無聊何則痛若難
呂安貧窮易爲感況懷抱之內冰火鑠脂膏腠理之間風霜侵骨
髓安可酷舌緘督吞聲飲氣惡呻吟之響忍酸辛之酷哉伏惟明
尚書動哀矜之色開寬裕之懷咳唾足已活枯鱗吹噓可用飛竈
羽芬椒蘭之氣暖布帛之詞許小人之請開大君之聽雖復山川
縣遠鬼神在茲信而有徵言無不履猶恐拯溺遲于援手救經緩
于扶足待越人之舟楫求魯匠之雲梯則必懸于槁樹之枝沒于
深淵之底矣夫臣一介貧人七年直省課稅不免慶賞不沾賣貢

禹之田供繹之之費有弱子之累乏強兄之產加臣老母在堂
光陰遲暮寒暑違闕關山超遠齠臂爲朋前途逾邈倚閣之望朝
夕已勤謝相如之病無官可召免發梅福之狂非仙所能避愁疾
甚乎厲鬼人生異乎金石營魂且散恐筮予無徵齋恨入冥則虛
緣恩顧此乃王稽所召致言應簇爲之不樂也潛鬢髮之內居眉
睫之間子野未會聞離朱所不見沈淪東觀畱滯南史終無薦引
永同埋瘠三世不移雖由寂寞十年不調實乏知己夫不世出者
聖明之君也不萬一者誠賢之臣也召夫不世出而逢不萬一此
小人所召爲明尚書幸也坐人物之源運銓衡之柄反披狐白不
好緇衣此小人爲明尚書不取也昔荆玉未剖刖卞和之足百里
未用碎禽息之首居得言之地有用能之資增日月之明無手足
之戚憚而弗爲孰知其解夫官或不稱其能士或未申其屈一夫
竊議語流天下勞不見圖安能無望儻病未及死往還克念焉

汗窮愁之簡屬離憂之詞託志于前脩通心于來哲使千載之下哀其不遇追咎執事有點清塵則不肖之軀死生爲累小人之罪方且未刊願少加憐愍畱心無忽

隋書王孝基傳北史王孝基傳文苑英華六百九十一

楊孝政

孝政開皇中爲文林郎

上書諫廢皇太子

皇太子爲小人所誤宜加訓誨不宜廢黜

隋書房陵王勇傳

向居士

居士失其名北齊天保初師事二祖慧可開皇中莞城宰加弘非法死

致書通好釋慧可

影由形起響逐聲來弄影勞形不識形爲影本

高僧傳作不揚聲知形之是影揚聲求

止響不識聲是響根除煩惱而趣

傳作涅槃傳有求

名字喻去形而覺影

離眾生而求佛、喻默聲而尋響、故迷悟一途、愚智非別、無名作名、因其名則是非生矣。無理作理、因其理則詐論起矣。幻化非真、誰

是誰非、虛妄無實、何空何有、將知得無所得、失無所失、未及造談、
謂作聊申此意、伏望

傳作答之、想爲答之、錄

陳子秀

子秀、荊州人。

荊州道俗請智顥講法華經疏

導因寺東巖菩薩戒弟子陳子秀等稽首和南。竊呂法門不二理、絕言忘應、病隨機、假名相說、雖復常居寂滅、而廣示威儀、不起道場、躬昇自在、義談廣狹、迹現淺深、晉是有識津梁、含生舟筏、論其汲引、莫不方便爲先、語其提攝、無非警諭、爲本宅中童孺、識三車而競出、備質弟子、知糞穢之可除、仰惟禪師居不測之位、懷普洽之心、道貫三空、智階百法、輒欲奉屈、宣揚法華一部、展禽邵伯、術

小功微尙復布政棠陰。重風柳下。況復親承三點。高修六度。必願
俯就傾誠。留心鑽仰。漢皇白水猶昌。大風桑井可嘉。無容默已。庶
令貴賤上下咸識。一乘大葉小枝等蒙慈潤。幸使高源鑿井。速見

洪泉。

醉臥潛迷。

還知昔寶輒述眾情。

罔知陳具謹請開皇十三載

八月十日

拜職起四國
清百錄四

費長房

長房成都人開皇中爲翻經學士

上開皇三寶錄表

臣房言臣聞有功于國史錄其勳。有功于民碑傳其德。況如來大
聖化洽無窮而不垂美。百王流芳千載者也。臣竊尋覽自漢魏來
代有翻譯而錄目星散。經多失源。世罕綴修。時致闇絕。緣此佛旨
正法付囑國王。是知教興寄在人主。伏惟陛下應運秉圖。受如來
記。紹輪王業。統閻浮提。愍世間昏。開慧日。照廣緝經像。大啟伽藍。

開解脫之門、導天人之路、建善舟楫、濟拔蒼生、斯實曠古軼代、盛儀豈臣庸微、輒敢妄述。但昔毀廢臣在染衣、今日興隆還參法侶、時事所接頗預見聞、因綱歷世、佛法緣起始自姬周莊王甲午佛誕、西域後漢明皇永平丁卯經度東歲迄今開皇大歲丁巳歷一千二百八十一載、其間靈瑞帝主名僧代別顯彰、名開皇三寶錄凡十五卷、庶法無隱冀經有弘不任下情惶悚戰懼輕冒奉表上錄、呂聞伏願天慈垂神降省謹言開皇十七年十二月二十三日大興善寺翻經學士臣費長房上釋藏云五歷代

開皇三寶錄總目序

竊惟三寶所資四生成潤而世有興毀致人自昇沈興則福業恆感天堂輸王人主毀則罪報常受地獄餓鬼畜生論益物漢無過于法何者法是佛母佛從法生三世如來皆供養法故勝天王般若經云若供養法卽供養佛是知法教律流乃傳萬代佛僧開導

止利一時、故賢劫之興、千佛同其化、修短之壽、四聖異其年、雖復
住世延促有殊、取其宣揚弘法無別、莫不煎熬愛海、濟含識昌趣
涅槃、整鑿慢山、度蒼生、普會般若、然般若玄寂、非因聲難曰通聲
必託形、不藉相無由顯、所曰境稱忍刹、總百億之須彌、世號娑婆
統三千之國土、區分三界、五濁之穢土沙、形別六道、二乘之鄙羊
鹿大聖慈愍、俯降迦毗、丈六金容、應王宮之裏、三十二相炳太子
之身、十九出家、三十成道、四十九載、處在世間、假呂言音、方便演
暢、無染之法、金口自宣、一音敷揚、萬類各解、機緣匪一、敎有塵沙
阿難總持、滴無遺失、譬別器水瀉之異瓶、雙樹入般涅槃、迦葉王
城結集、一千羅漢、迭察迭書、著之葉皮、布乎天竺五百中國各共
奉持、十六大王皆同擁護、後漢之始、方居脂那、帝世交參、十有六
代、翻彼域語、作此方言、相承迄今、五百餘祀、古舊二錄、條目殘亡、
士行道安創維其缺、爾來間有祖述不同、各紀一方、互存所見、三

隅致隔故多失疑又齊周陳並皆翻譯弗刊錄目靡所遵承兼值
毀焚絕無依據賴我皇帝維地柱天澄靜二儀廓清六合庭來萬
國化攝九州異出遺文莫不皆萃臣幸有遇屬此休時忝預譯經
稟受佛語執筆暇隙寢食敢忘十餘年來詢訪舊老搜討方獲雖
粗緝綴猶慮未周廣博尋求敬俟來俊今所撰集略準三書已爲
指南顯茲三寶佛生年瑞依周夜明經度時祥承漢宵夢僧之元
始城塹棟梁毗贊光輝崇于慧皎其外窮采隱居歷年國誌典墳
僧祐集記諸史傳等僅數十家摘彼翠韻成斯紀翮扇之千載風
于百王共秉智炬之光照時昏暗同傳法流之潤洽世燋枯閑我
皇猷尊開厥始昔結集之首竝指在其國城今宣譯之功理須各
舊注之人百年爲先經隨大而次有重列者猶約世分總其華梵
黑白道俗合有一百九十七人都所出經律戒論傳二千一百四

十六部六千二百三十五卷位而分之爲十五軸一卷總目兩卷入藏三卷帝年九卷代錄代錄編鑒經翻譯之少多帝年張知佛在世之遐邇入藏別識敍大小之淺深昔姬潛之鼎出現彰漢室之將隆近周毀之法重興顯大隋之永泰佛日再照起自大興之初經論冥歸發乎開皇之始事扶理契合此會昌述紀所由因斯而作所召外題稱曰開皇三寶錄云其卷內甄爲歷代紀同上

劉憑

懇涇陽人開皇中爲翻經學士

内外有通比較數法序

世之道教有淺有深人之稟學有疏有密故尋等之用也則兼該大術其不思也則致惑三隅然東夏數法自有三等之差西天所陳何無異端之例然則先譯諸經竝曰大千稱爲百億言一由旬爲四十里依諸算計悉不相符竊疑翻傳之日彼此異音指摘之

際于斯取失故錄眾經算數之法與東夏相參十十變之旁通對衍庶擬翻譯之次執而辯惑既參隸經誥故卽而敘之

釋藏經二
又云二

趙絢

絢爲冀州部從事

圓土北重牆上摩訶般若經序

有清信大士具官身嬰俗累惣崇法理精感明靈神化斯應遂使羣經騰翥等扶搖之上昇隻卷飄返若丹鳥之下降其去也明惡世之不居其來也知善人之可集應瑞乎如彼聖著乎如此我皇出震乘乾更張琴瑟親臨九服躬總八荒知三寶之可崇體四生之不固遂頒海內修淨伽藍是使像法氤氳同諸舍衛僧居隱軫還類提河特呂此經像明靈著自非積善焉能致斯敢事旌表傳芳後葉

續高僧傳三
十一

周彪

彪閑皇末爲儀同三司

陳伏波將軍驃騎府諮議參軍陳詡墓誌

君諱詡字孟和潁川許昌人也沒基沒序有虞之苗口若夫姚墟誕聖媯汭降神四門穆穆八表光禪商均不嗣周賈胡公封建于陳因口命氏鴻臚元方榮書魏冊徵士季方高著先賢自下蟬聯竝盤繡言史祖僧亮神情淡遠素風高奇齊輔國府行佐父駿風儀峻整雅有綱格歷至前梁儀同君幼而聰敏長而好學博覽百家漁獮九部懸梁刺股手不釋書天才雋拔思若有神文章口口動成部帙景純五色之筆江淹用之麗藻王充五行俱下都市稱爲口口有集廿卷爲世所重起家爲岳陽王雍州西曹轉府記室梁國蕃周將佐送款武成元年授帥都督衛州東征王師失律軍潰陷陳同旅督將七十二人竝囚俘檻屬陳相王曇頃初秉朝政虐示國威縱情好煞于望國門竝害諸士君子刑所附斂自陳蒙

答賞死漏刃獲生俄而釋禁策名預宦授招遠將軍加伏波將軍
俄遷驃騎府諮議口國云亡總管秦王招賢慕士迎還并州客禮
厚遇辭老還鄉第二息孝齋昆季男女久違膝下忽奉慈顏悲喜
不勝如從天落相率盡養日膳常珍則儀狄九醞何曾百品恣口
釋心意恬如也同畢卓之酣歌慕阮孚之任放達無遺有識假歸
真所製終制非秦始之高墳是王孫之贏葬乃遺命送終唯令儉
薄不許立銘開皇廿年九月廿四日卒于檀溪里時年七十六五
男五女男則孝悌著聞居喪過禮女則柔和顯稱婉婉聽從召其
口口十二月丙辰朔十八日癸酉歸葬高陽鄉之舊山式鐫序誌

用傳不朽

古刻叢鈔

皇甫昆

昆仁壽中爲富陽令

玉泉寺碑

蓋聞乾元資始。三辰著象于天。坤道資生。萬物動行于地。皇王于
是建國。聖賢所曰。垂文起名。敎而莫同。制威儀而有別。至如畫卦
觀爻。蓋取隨時之象。綜經織緯。會通爲政之辭。大禮同和。大樂同
節。安上治民。移風易俗。斯迺生前之事。略矣可言。死後之間。仲尼
弗語。縱使絳雪縈空。玄霜拂樹。餌金丹而九轉。吞玉髓而千年。乘
雲也駕五色之玄龍。遊漢焉控三山之素鵠。逍遙瑤臺之上。容與
琳闕之間。未窺解脫之門。終趣蓋纏之境。唯正覺淵沖。眞如妙有。
不生不滅。無相無言。隨緣應質。則假色成形。隨類觀音。則因聲示
說。故有白銀千尺之體。紫金丈六之身。八部般若之文。四種悉檀
之義。神通自在。慧力無窮。因導化行。開示悟入。皈依者盡發菩提
迴向焉。普登常樂。是㠭彌猴建塔。遂生忉利之天。野雁銜華。復往
彌陀之國。豈直日藏沙門。孤遊正道。月光童子。獨見如來。四生因
茲度脫。六道藉此昭蘇。實火宅之高車。昏河之大筏。若乃周室昭

王之世影奪恆星漢朝明帝之時光夢如日使旋西域化漸東都置像南宮申心北面自摩騰入洛羅什遊秦名教更弘道風斯熾經臺像閣寶塔香山麗溢巖阿綺盈都邑豈期後魏真君之歲後周建德之年靈廟一除伽藍再滅形容廢毀文字散遺響落瓊鐘聲沈寶鐸修禪耆舊卷其舌而不談護戒先賢改其形而晦影世絕調心之路時虧汲引之途無出世之津梁失生民之大望我隋皇帝乘乾御宇握鏡披圖父愛蒼生君臨赤子天地同其大德日月合其重光鼓之召雷霆潤之以風雨除暴亂致太平張四維朝萬國功成作樂治定制禮正道無爲區寰有截闢泥洹之路開般若之門宣十二分之經流四千年之法精勤耆舊捨俗歸僧淨住初童持心秉戒非直法輪再轉法鼓還鳴四海于是無虞兆民因而有賴委羽乘毛之國慕風化召來庭襲禽嘉貺之祥應圖書而萃茲巍巍也非境智之思量蕩蕩乎豈言談而能盡玉泉寺者基

此山焉。智顥禪師之卜居也。敕旨正名。著額其山。嵬崿嵯峨。嶠崿
而巔。峰凝偃蓋。巒似覆船。巨力窮奇之象。洪崖謫訛之形。岡曲抱
而成坦。水縈迴而結乳。青楓動葉。遠照金霞。翠柳搖枝。低臨玉沼。
猿吟白雲之上。鶯啼碧樹之間。日月爲之蔽晦。霄液山之散聚。前
瞻江路。卻望荆岑。左帶昭丘。右通巴峽。禪師本姓陳氏。潁川人也。
少稟生知。童真剃落。從師南嶽。蘊道天台。睿智洪才之響。非直播
于江南。知機妙辨之聲。固已聞于河朔。皇帝外子太尉公晉王性
稟孝慈。情包隱惻。能臣能子。匡國匡家。蘊機神之智。垂汎愛之心。
布君子之心。偃生民之草。往呂岱陳納叛。受律行師。策妙指縱。威
稜江海。遂剋定金陵。化平銅柱。三吳霧卷。百粵塵清。師乃因王利
涉。王遂因師受戒。師至此而授院。王奏聞而起寺。于是異域才情
之客。慕其道而雲臻。他鄉錄行之僧。味其風而雨集。師乃精言導
理。盡意談玄。語證禪支。心開定本。幽宗博義。若挹海而無窮。辨句

清辭似懸河而自鴻居朋之友雖盈量而爭歸處少之徒從窮崖而莫反爾乃信心擅越積善通人咸施一材俱投一瓦憑茲眾力事若神功營之不日而成飾矣經時而就層臺迴閣複殿連房寒暑異形陰陽殊制雕簷繡拱與危岫而爭高鑿礎鏽基共巒巔而等固風光出其戶牖雲霧生其棟梁華炫耀于金盤氣芬芳于玉樹工圖相好湛若金仙匠寫真容凝如滿月殿起三層之柱簾懸柱自響之鐘堂開千葉之華蓮捧飛來之座燈光不滅灌海逾明刹柱俱低承幡自舉吉祥柔滑之草燭漫依庭逆風和氣之香氛氤滿院斜通洞穴直注凝泉色似琉璃味同甘露波投鼐鼎浪燉陞堂飲腹消疴澆軀愈疾石柱銅梁之狀影入蓮池桃源菊浦之華香浮柰苑可謂山類耆闔寺同離越似龍宮而出見疑鹿野已飛來竊弓前王鑿鼎惟論體國之功今共刊碑永記菩提之道余任宰屬城寺居山部文雖寫意書不盡言其詞曰

二儀間廓四氣氤氳方召類聚物昌羣分通賢迎聖明后明君隨
機設教觀化垂文樂章旣造禮儀方制定彼親疏浹茲疑滯拔圖
辨物屬辭明例唯化一生不論三世玄都玉簡紫闕銀經解戶遺
骨飲液吞精乘龍萬紀控鶴千齡終非實相猶是塵情唯有大雄
湛然常住不生不滅無來無去千門妙旨一音演誦度脫眾生涅
槃雙樹夢通劉后感應姬王恆星掩耀滿月澄光寫形東國指聖
西方慈悲願海善逝津梁法顯還晉摩騰入洛花散經臺香流像
閣釋教鬱起柔門盛作露泣珠幡風吟寶鐸真君建德運鍊滅道
淪沒四生毀除三寶我皇啟聖德侔蒼昊妙法更弘真儀再造陳
氏僭號王赫斯征句吳霧卷闔越廓清因逢智者延謁山庭珠生
浮漢玉出深荆華峯崕屹石洞淵懸芬芳菊浦滴瀝瓊泉盤渦似
谷覆嶺疑船來儀晏坐觸地蕭然妙辨悉擅深窮般若繙素雲會
挹其河濁或施之材或投之瓦經始不日翻成大廈更起龍宮還

開鹿野山連紫蓋江抱黃牛西臨月峽東接昭丘
旗櫓圍繞琳碧環周春窗夏牖水殿山樓座吐芙蓉龕懸石鏡白毫相好紺髮輝
映銀鷺徘徊錦鱗游泳騰猿心靜怖鵠影定猗歟哲王命也蕃屏
自天生德孝誠俱秉旦奭非傳聞平詎并出總連響入調鐘鼎構
此伽藍寶資力請魔殿嵯峨須彌鬱律條覩剗終俄看燒訖豈如
彼岸生死皆出金石不朽天地可畢鑄勒巖阿永垂懋實

釋藏起
字四號

國情百錄四又湖北
通志載此碑多缺誤

鄭辨志

辨志爵里未詳

宣州稻亭山妙顯寺碑銘

伏聞惠日已圓西方顯其尊相恆星既墮東界感其神光身迹雖
殊慈悲靡隔遂乎紫金寫蓮開之貌香林圓月滿之容夢感漢王
之心齊發吳君之善權實濟度莫狀于斯雖復犧農之世分久當

藥之功軒昊之年結宇垂裳之德化腥變苦詎曉法味之淡棄穴除巢竈知淨土之貴耆闐山側說法之處猶存菴蘿園中會聖之基尚在深矣妙乎無得而名焉大法之興其由尚矣然此妙顯寺者卽隋開皇十一年高祖文皇帝奉爲國師之所置也禪師諱智琰俗姓范氏扶風人也祖世晉主夏盟功高士會漢臣桂室名重萊蕪師少爲儒生博尋內典名掛僧錄先住京師濟福道場因神武滅法遂遊于江左權上戴山南朝陳元帝二年召爲內道場供養禪師見國祚不安遂拂衣南遊稽嶺其山乃眾峯雜遝邃谷崕崿洞穴朦朧樞蘿貫日百獸羣集民絕登臨大師居之猛獸藏伏開皇九年十月敕遣晉王廣平陳卽禎明三年也禪師迹紹四衣神逾八極雖潛形邱壑而譽徹神都匿相巖阿而名傳上國若珠沈北海皎潔之性彌彰桂隱深叢芬芳之風更遠高祖聞之開皇十年召入仁壽院殿供養十一年秋八月帝降墨敕遣大將軍楊

榮送師歸山所居處可立伽藍度弟子七人扶持賜錢五千貫絹
二千疋充乳藥父賜落脂米二百斛一切經大藏玉石象一十五
駟鵲尾香爐四十九隻永充供養至十二年敕榮爲宣州刺史專
監造寺古妙顯爲名謂籬垂寶乳卉葉難名異獸靈禽晨翔暮顯
故名妙顯也親書題額敕賜水田二頃五十畝將充永業寺側近
封五十戶民自充洒埽帝每歲起居送種種香藥供養至仁壽元
年秋八月告弟子曰吾欲去矣恬然坐滅春秋八十有六于時山
地震動林木萎悴百獸悲鳴泉池枯涸敕遣有司官國師禮殯于
此山之陽去寺一百步墳塔存焉案宣城記云縣南東六十里有
山曰稽亭是古仙住處嘗有仙人五百來往往遊止商旅住步稽遲
忘返故云稽亭也皇帝俯膺金輪拯提億兆八方大定十善遐弘
拱默巖廊咸從仁壽而宣條布政寄乎良牧使君諱榮金州安吉
人也本姓陽氏系承幽州陽平公之後因王莽篡位南徙魏興公

呂開皇七年，蒙召入內，勞問功業，詔賜姓楊氏。昔人乘車改俗，吹律移化，未有肖襲皇源，名歸帝譜，預班磐石，斯恩罕倫，弘農之美，洋洋乎。史籍楊秉臨于袞郡，三域顯其廉貞之聲，羊祜鎮于荆藩，一方稱其太平之化。呂公清白愛惠，還迹曩業，威略有道，別邁前修，何止澤漸貧孤，恩沾老幼而已。長史崔公諱士昇，淄水人也。位隆上佐，任重元僚，共闡和風，譜揚回向，罄懷勸道，毗我昄依。其寺東南有石洞，幽隱玲瓏，仰眺或漏曦光，俯窺乍揖清澗，故老傳述所進尤深，遠徹秦峯湘水之流，近通禹井巴山之穴。隨首夾鑿金剛獅子，已爲侍衛，揮拳揚目，可怖可厲。奮爪張牙，足驚羣象。其內別有石龕，卽大師舊安禪之所也。後則經臺砌漢寶塔，凌烟堵墀，任石勢，呂高低，欄棟接山形而宛轉，兼復飛流繞殿，激水循房，散入中廈，分澆南畝。實棲心之勝境，悟道之良域者矣。公褰幙，八稔撫育四民，風雨調和，農桑鬱畠，蒼黎荷施，無荅天慈，遂將帥參寮，及

諸令佐等。已今二十年歲次洪灝月維南呂創成洪業莊嚴帝祚
駢奇宏麗難悉名言福地長存略刊梗概敢爲銘曰

大哉佛日實我舟航慈悲普濟度脫無疆深仁睿后壽命玄蒼功
超造化德被遐荒我國師德高窮吳身居帝里心悲六道保安
社稷示同魔惻三國鼎治長宣清寶帝王再召詔璽無忒幢車曳
路瓊花滿礮親侍凡筵諮受遺則度人表志置寺旌德洪矣州牧
簡在惟良歲蕤美俗蔽芾甘棠聖主弘護賢臣棟梁伽藍肇立輪
奐輝煌石洞幽邃通源遠長俯受泉脈仰漏曦光夾圖獅子對寫
金剛勢誓狂象威振魔王瑤臺聳路重閣迴廊擔趾欲起表鳳凝
翔激水環砌飛流繞房殿朗宵月鐘鳴樹霜白心雲萃芳郁爲香
依松結宇憇石爲牀已斯上善永福人皇山崩幽壤海涸生桑
然靈岫劫數傳芳宣城

嚴德盛

總集

德盛、大業中爲吳郡司戶

吳郡橫山頂舍利靈塔銘

竊曰至理無言、非言無旨寄理玄蹤無體、非體無旨明蹤然則八十種好、呈應身之妙、三十二相表化質之妍、至如獻土童兒聚沙稚子、尙獲無窮之報、猶成莫盡之因、況撒身命重財、崇諸聖業者矣、但樹因之最無過起塔、崇福之重、詎甚建幢而銀青光祿大夫吳郡太守李顯者、乃華陽杞梓江漢芳蘭夙布素誠少匡王國吐納風雷之際、出處朱紫之庭、糜爵峻于其身、隆基茂于往葉溫良洽于郡國、孝友睦于閨內、建節贊治、張振風化、門雖望族、世載公卿、安仁樂智之心、無違終食、謙明惠厚之德、造次必存、仍共獎勸、郡部官人奉爲皇帝皇后齊王六宮眷屬、各捨七珍同崇八福、在郡城之西山頂上營造七層之寶塔、㠭九舍利置其中、金瓶外重石槨周護、留諸弗朽、遇劫火而不燒、守諸不移、漂劫水而不易、時

有龍華道場比丘法首者歲居韶齋卽起踰城之心年將志學仍持航海之操自離親捨俗三十許年洞識苦空明闇法要誠心內發冥夢外酬時間此山爲古之佛殿乃共于此所成斯勝業願寶鐸常搖法輪恆轉含生迴向口口歸心上通有頂之天傍及無邊之地同離生死之苦俱成涅槃之樂其辭曰

相焉是滅法矣非生蓋纏虛迷渴愛徒盈不無不有何體何名業風旣息法水便清目茲勝地令德來持功施合矩化動成規如雲出岫狀月臨池清流不倦貽銘無疲虔心局體同歸共慕施彼七珍崇斯六度下被羣品上資天祚萬福莊嚴千靈補護少宣令問彼秀苗敷輪轉三有馳流六通獨善非德兼濟爲功俱成法雨用息塵籠大隋大業四年歲次戊辰九月辛未朔八日戊寅立銘吳郡司戶嚴德盛製文司倉魏瑗書

范成大
吳郡志

耿詒

詢，字敦信，丹楊人大業初爲右尚方署監事守太史丞

上書諫征遼東

遼東不可討，師必無功

隋書 聖傳

雲定興

定興太子勇雲昭訓之父，勇廢除名，配少府大業中，曰宇文述

薦擢授少府丞，尋代何稠爲少監，轉衛尉少卿，遷左禦衛將軍。

奏對皇孫生

天生龍種，所召因雲而出

隋書 文子傳

仲孝俊

孝俊濟州人，爲汝南郡主簿，舉秀才，除晉州司法

陳叔毅修孔子廟碑

若夫惟道惟德，或仁或義，既漸散于英華，遂崩淪于禮樂。天生大

聖是曰宣尼雖有制作之才而無帝王之位膺斯命世塞厄補空
述萬代之典謨爲百王之師表始于漢魏爰逮周齊歷代追封秉
圭不絕我大隋炎靈啟運翼下降生繼大庭之高蹤紹唐帝之遐
統憲章古昔禮樂惟新偃伯修文尊儒重學自孔子三十二世孫
前太子舍人吳郡主簿嗣哲封紹聖侯皇上萬機在慮兆庶貽憂
妙簡才能委之邑宰于此周公餘化唯待一變之期夫子遺風自
爲百王之則禮儀舊俗餘何足云用能奉天旨敬先師勸孔宗修
靈廟卽曲阜陳明府其人也明府名叔毅字子嚴潁川許昌人昔
堯之禪舜實釐女子有虞周室封陳亦配姬子嬌滿漢右丞相建
六奇之深謀魏太司空開九品之清議明府卽陳氏高祖武帝之
孫高宗孝宣帝之子至如永嘉分國代歷五朝郭璞有言年終三
百皇朝大統天下一家爲咸陽之布衣實南國之王子于是遊情
庭宇削跡市朝砥礪身心揣摩道統策府蘭臺之祕籍雕蟲刻鶴

之文章莫不成誦在心、借書于手、金作玉條之刑法、桐囚木吏之奸情、一見仍知、片言能折。所謂江珠匿曜、時虧淵月之明、越劒潛光、每動衝星之氣。爰降詔書、迺除曲阜縣令、夙夜遠至、禮教大行、政術始臨、奸豪屏息、抑強扶弱、分富恤貧、部內清和、民無疾苦、重召德之所感、霜雹無災、化之所行、馬牛不繫、鯤魚夜放、早彰潔釜之篇、乳雉朝馴、自入鳴琴之曲、遠嗤龐統、不任百里之才、俯咷陶潛、忽輕五斗之俸、于是官曹無事、囹圄常空、接士迎賓、登臨遊賞、覩泮水而思歌、尋靈光而想賦、加己祇虔聖道、敬致明神、粉壁椒塗、丹楹刻桷、可謂神之所至、無所不爲、振百代之嘉聲、作千城之稱首、敬鑄金石之文、永同天地之固、其詞曰：

皇非常道、帝實無爲、時澆俗薄、樸散滔離、世道交喪、仁義爭馳、書亡詩逸、禮壞樂崩、降生大聖、載修墳史、積善餘德、追崇不已、於穆大隋、明命天子、新聞紹聖、重光闕里、伊我陳君、清德遠聞、溫溫玉

潤茲必蘭芬，淵才亮美，拔類超羣。時逢上聖，召我爲令，導之召德，行之召政。用此一心，能和百姓。子還名賈，兒多字鄭，奸雄竄伏，賦役平均。心居儉素，志守清貧。魚生入釜，雀瑞來臻。廟孔碩靈祠赫奕，圓淵方井，綺窗畫壁。因頌成功，遂歌美績。共做穹壤，永固金石。大隋大業七年辛未歲七月甲申朔二日乙酉濟州秀才前汝南郡主簿仲孝俊作文。孔子卅一世孫孔長名卅四世孫孔子歎口口口碑布本

格謙

謙勃海厭次人。大業中據豆子輒反，有眾十餘萬爲楊義臣所禽。敕令放散尋復反。王世充破斬之。

奏事

若德饒來者卽相率歸首

北史三十三
李德饒傳

宦官

王義

義道州人大業四年召矮民充貢自宮得出入內寢帝幸江都天下多叛上書極言自刎死

上煬帝書陳成敗

臣本南楚卑薄之地。逢聖明爲治之時。不愛此身。願從人貢。臣本侏儒。性尤蒙滯。出入左右。積存歲華。濃被聖私。皆踰素望。侍從乘輿。周旋臺閣。臣雖至鄙。酷好窮經。頗知善惡之本源。少識興亡之所。召還民間。周知利害。淡慕顧問。方敢敷陳。自陛下嗣守元符。體臨大器。聖神獨斷。諫謀莫從。獨發睿謀。不容人獻。大興西苑。兩至遼東。龍舟踰于萬艘。宮闈偏于天下。兵甲常役百萬。士民窮乎山谷。征遼者百不存十。歿葬者十未有一。帑藏全虛。穀粟湧貴。乘輿竟往。行幸無時。兵人侍從。常踰萬人。遂令四方失望。天下爲墟。方今有家之材。存者可數。子弟死于兵役。老弱困于蓬蒿。兵屍如

獄餓莩盈郊狗彘厭人之肉薦魚食人之餘臭聞千里骨積高原
膏血草野狐犬盡肥陰風無人之墟鬼哭寒草之下目斷平野千
里無煙萬民剝落莫保朝昏父遺幼子妻號故夫孤苦何多饑荒
尤甚亂離方始生死孰知人主愛人一何如此陛下恆性毅然孰
敢上諫或有鲠言又令賜死臣下相顧箝結自全龍逢復生安敢
議奏左右近臣阿諛順旨近合帝意造作拒諫皆出此途乃逢富
貴陛下惡過從何得聞方今又敗遼師再幸東土社稷危于春雪
干戈遍于四方生民已入塗炭官吏猶未敢言陛下自惟若何爲
計陛下欲幸永嘉坐延歲月神武威嚴一何銷鑠陛下欲興師則
兵吏不順欲行幸則倚衛莫從敵當此時如何自處陛下雖欲發
憤修德特加愛民聖慈雖切救時天下不可復得大勢已去時不
再來巨廈之崩一木不能支洪河已決羽壤不能救臣本遠人不知
忌諱事忽至此安敢不言臣今不死後必死兵敢獻此書延頸

待盡海山記

又奏

臣田野廢民作事皆不勝人生于遼曠絕遠之域幸因人貢得備後庭掃除之役陛下特加愛遇臣常自宮中侍陛下自茲出入臥內周旋宮室方今親信無如臣者臣由是竊覽書殿中簡編反覆玩味微有所得臣聞精氣爲人之聰明陛下當龍潛日先帝勤儉陛下鮮親聲色日近善人陛下精實于內神清于外故日夕無寢陛下自數年聲色無數盈滿後宮日夕游宴自非歲節大辰何常臨御前殿其餘多不受朝設或引見遠人非時慶賀亦日宴坐朝曾未移刻則聖躬起入後宮夫臣有限之體而投無盡之慾臣固知其竭也臣聞古者野叟獨歌舞于磐石之上人詢之曰子何獨樂之多也叟曰吾有三樂子知之乎何也人生難遇太平世吾今不見兵革此一樂也人生難得身體完備吾身不殘疾此二樂也

人生難得壽。吾今年八十矣。此生樂也。問者歎賞而去。陛下享天下之富貴。聖貌軒逸。龍顏鳳姿。而不自愛重其思慮。固出于野叟之外。臣蕞爾微軀。難圖報效。固知忌諱。上逆天顏。迷樓記

列女

蘭陵公主

公主字阿五。文帝第五女。初嫁儀同王奉孝。卒適柳述。煬帝卽位。述徙嶺表。誓不改嫁。憂憤而卒。

臨終上煬帝表

昔共姜自誓。著美前詩。郎婿不言。傳芳往誥。妾雖負罪。竊慕古人。生既不得從夫。死乞葬于柳氏。隋書蘭陵公主傳

譙國夫人沈氏

夫人高涼人。梁大同初。適高涼太守馮寶。陳永定中。冊爲中郎將。石龍太夫人。隋開皇中。冊爲宋康郡夫人。進譙國夫人。開府

置長史呂下官屬仁壽初卒謚曰誠敬夫人

先書報高州刺史李遷仕

通與作延仕

太守馮寶病篤謹令妻女洗氏傳啟并奉土貢呂資軍費

通與一百四十四

案此事在梁太清末

賜進士出身二品銜廣東等處提刑按察使司按察使兼管驛傳事務官員王毓麟校刊

全隋文卷二十八終

全隋文卷二十九

烏程嚴可均校輯

闕名

奏案元諧

諧謀令祁緒勒黨項兵卽斷巴蜀時廣平王雄左僕射高熲二人用事諧欲諧去之云左執法星動已四年矣狀一奏高熲必死又言太白犯月光芒相照主殺大臣楊雄必當之諧嘗與湧同謁上諧私謂湧曰我是主人殿上者賊也因令湧望氣湧曰彼雲似蹲狗走鹿不如我輩有福德雲隋書元諧傳有人告諧貳從父弟上課反上令案開府幼臨澤侯田號上儀同祁籍等

其事有司奏

奏劾盧愷

房恭懿者尉遲迴之黨不當仕進威愷一人曲相薦達累轉爲海州刺史又吏部預選者甚多愷不卽授官皆注邑而遣威之從父

弟徹蕭二人竝呂鄉正徵詣吏部徹文狀後至而先任用蕭左足

攀鑿才用無算愷呂威故授朝請郎愷之朋黨事甚明白

隋書盧
愷傳何

與蘇威不平奏威陰事愷坐與
祖連上召愷屬吏憲司奏愷

秦王二子承嗣議

春秋之義母呂子貴子呂母貴貴既如此罪則可知故漢時栗姬有罪其子便廢郭后被廢其子斯黜大既然矣小亦宜同今秦王二子母皆罪廢不合承嗣

附書秦孝王俊傳

比丘惠遠等造象銘

上閻無黑變成紫室所願從心咸登妙果無不遂意又願見世後生男則貌如觀頂天然而知智慧孤秀任居上位亦世崇明玄風相踵超然之一女則行軀端嚴行性清潔內隆勝鬢眾人聲歎有能試知無爲曉悟苦空滅已削身共崇因果捨離惡業者疏同斯善永無彰昇俱登正覺開皇三年歲次癸卯五月戊戌朔十五日壬

子邑師比丘法口邑師比丘惠遠

碑本

拓

楊遵義造象銘

開皇三年十二月楊遵義爲息口熾造象一區上爲人王帝主下爲七世父母及自己身同口斯願

碑本
拓

王忻造象銘

口口孝者善繼人之志善述人之事亡人先發弘願今敬成之敢陳勝業乃作銘云

玄宗靡極道法何源其終無末其始無先玄々絕學口口忘言虛无萬古寂魄口天洪鍾應扣響振周年口口一字耳畫三門星珠口口月桂猶口口車行空口駕飛仙道德經首希夷口容三島穠殿九井口蹤口祠曲里廟享濯龍全身口寫相好無窮勸心勸敬口真慕聖奉資王矣口口益詠大隋開皇六年七月十五日前上士州從事國子助教彭城縣開國男洞玄弟子王忻敬造

碑本
拓

堅昭禮造像銘

開皇十一年歲次辛亥正月甲申朔十五日戊戌首民堅昭禮爲先亡七世父母身所生父母祖口口妻夏侯父阿頤母果僧妃叔阿僕妻夏侯碑本拓

杜乾緒等造像銘

大隋開皇十二年歲在壬子十二月壬申朔十日辛巳蓋欲崇志遠者要須曠口口行是㠯當今佛弟子大都邑主杜乾緒都邑主張子元大都化主董難當都化主杜郭生都邑等雖須形居俗罔志棲方外口已口口口龍山之南河水之西雉水之東吉祥口口敬造石像一軀脣龕比刃巧盡百奇珍口口口遠而望之狀寶塔涌現於靈山近而口口口祇蘭之觀玉殿迴睛注目歸心有在㠯此勝善福閻皇家口法治國又願七世先靈見生眷屬類同沾澤因茲福慶刊記斯銘其詞曰

妙理難原旨趣莫尋凌口靡惻孰第其溪熱山間尤口口口書金
口既口徒泣雙林勇塔且淪祇蘭匪口口口光光銅人閉景聖宇
暫空口口口口像曜不曠像月爲闇寶口口口口羅妙像珠鏤碧
崖相尚真口明眺高雲光理月眼八万未踰真容何遠瞻相吮吟
福景唯深王潤條口芳澤來今恩沾四口慶不有心言傳千載不
朽清音碑拓

王女足等造像銘

開皇十六年歲在丙辰三月甲寅朔八日辛酉夫口口口寂真體
難逢法口口口口若昏黽覩木口口口失國長避苦海是㠭機
倫西積大夜將至佛自悔口四口隱迹然今有諸邑子八十人等
覺身危口不久多停至如水胞俄亦消滅譬若火光出石焉能口
人口能人人口已崇造阿彌陀像一區仰爲歷劫諸師七世父母
及自己身㠭此功德願生生世世得常口身蓮華化生不受五蔭

之胎方口途口而口口常口芥城雖口我身猶在又願地獄休息
餓鬼飽滿畜生解脫人天具足法喻崩口等滅已覺

碑拓本

青州舍利塔下銘

維大隋仁壽元年歲辛酉十月辛亥朔十五日乙丑皇帝普爲一切法界幽顯生靈謹于青州蓬山縣勝福寺奉安舍利敬造靈塔願太祖武元皇帝元明皇后皇帝皇后太子諸皇子孫等并内外羣官爰及庶民六道三塗人非人等生生世世值佛聞法永離苦空同升妙果

碑拓本案金石文字記所載同州塔錄與此正同惟彼云同州武鄉縣大興寺八字爲異今不重錄

鄧州舍利塔下銘

大覺湛然照極空有慈愍庶類救護羣生雖靈真儀亦同滅度而遺形散體尚興敎迹皇帝歸依正法紹隆三寶恩與率土共崇善業敬呂舍利分布諸州精誠懇切大聖垂祐爰在宮殿臥居之所

舍利應現前後非一頂戴歡憶敬仰懼深。召仁壽二年歲次壬戌四月戊申朔八日乙卯謹于鄧州大興國寺奉安舍利崇建神塔。呂此功德願四方上下虛空法界一切凡識幽顯生靈俱免蓋纏咸登妙果。碑拓本

江夏縣緣果道場七層磚塔下舍利銘

夫至理空沖尋求之源悠緬法身寂泊無方之應奄臻至如花疊未然駢影畱髮香薪已燎散體分形故有寶塔珍龕羅鬼四圍之上雲興地踊照曜八國之中俾我聖迹未之湮墜緣果道場者梁天監十二年太歲癸巳長史劉端捨宅爲寺有命過僧歸閻梨盡心監造閻梨降自江口氏族未詳戒慧總持甚有靈驗于是鴻基勝趾締構日新三業薰脩七財具足迄今大隋大業九年昭暘之歲江夏縣緣果鄉長劉大懿等遵依敕旨共三鄉仕民奉口口齊興道場七層磚塔一所安鎮此地次有清信弟子黃慧鶴金龍琳取作翼

慧俊慧達等兄弟並德口佳雅難見難第誓立五根願弘四事于所住宅福瑞累彰亡父于大業三年二月乃于食內感舍利一枚大小相徵覩茲希有安止水器且浸且浮旋繞久之光明遍室頂帶虔禮日申供養到七年正月俊女雞娘又感二枚斯實迹現難思抑聞圖籍次有弟子李藥玉信首宿馳賢才簡疋雖室無瑞井手闢金錢每用放濟居心傾捨爲業召開皇廿年行至常州境感舍利一枚到大業五年于所住宅又感二枚昔者阿難奉函如來讚其希有庶會瓶寫吳主嗟其神異詢諸經諾今古同符召今季夏六月八日奉送散身永寢基下眾緣贊助普設大齋方俟七級巍峩接霄房而颺采九盤焜曜寶鐸韻而流聲上資帝朝爰洎遐邇設使芬盡方城五分之身常住石銷天祿金剛之地巍然敢忘議善乃爲銘曰

茫茫宇宙悠悠世間九地衝海四口口山三塗有獄五道無關魂

隨動治識口循還、至聖何像、凝爾懷怕、示現無方、迦維垂迹等救
燒燃通悲幽溺、息眾權城椎輪火宅、八十化盡、天人喪師、撫膺雨
淚、香水口毗四王、典護八國、均持機緣、靡隔靈祥、俟時坊壇式建
層表臨空、非因鬼力、詎假神工、金盤仰露、寶鐸搖風、山移川徙、微
業興隆。古刻叢鈔又見

張景略墓誌銘

金薤琳琅八

君諱景略、燕州上谷人、漢司徒華之後也、帝皇布護將相、蟬聯備
諸圖史、其可伊述、祖驃騎大將軍第一領民西長文城公、又遷燕
州諸軍事、燕州刺史考龍驤將軍諫議大夫奉車都尉行濟安郡
太守金鄉侯、君質如披錦、文彩煥然、器若珪璋、光輝朗潤、于是弱
齡表異、聲振朝野、欲止不能、遂被徵辟、起家爲魏帝內侍左右、尋
遷祕書郎、優游鳳沼、去來麟閣、時稱獨步、實曰無雙、又加車騎大
將軍、開皇十一年正月六日冥不蠲德、奄從運往、春秋六十有八、

昌其月二十六日遷穸于相州安陽河北白素曲未極丞相之年
俄掩將軍之墓嗚呼哀哉乃爲銘曰

昔年慷慨拖紫垂青峴山漢水玉潤珠明何當大運混我賢貞一
辭身世百代千齡碑拓本

石裏村造橋碑

大隋開皇六年歲次丙午二月壬午八月己丑兗州高平縣石裏
村仲思邢等卅人造橋之碑蓋形同石火忽有便無命似浮泡倘
存還滅若不傾心捨命如薩埵之投骸別已精誠浹尸毗之救鵠
自非仰習二士之功苦海竈容可渡然今大邑主仲思邢等卅人
謹見村南分派成池浦水競流弓起漂濤之浪阻隔長衢致使楊
朱泣分岐之淚狀僞身形遂登高樓焚香啟鑿化眾緣四部崇
助謹于此處敬造石橋一濟之所急緩通傳永絕稽留之歎兩盈
美麗婉婉可觀又採石荆山訪匠周隨福力自天名師忽至當龍

者若乘虛模花眾蜂競集佛漏兩坎相同百工左右侍衛八部備足搭此橋像福及那等茂若春蘭尉殊夏馥身比乾州年同弗石學竝宣尼仕登卿月敬法伏塵三途斷絕告秦王越海入鬼懷嗟義取成功能言美德其詞曰

運石荆山藍田採玉接軫連轔首尾相續櫛桃再紅其功始足織女來遊江妃屢囑碑拓本

洛州南和縣澧水石橋碑

本碑拓

前闢一
四十字 功斯口有道存焉其義大矣至若口口之職掌士口口
口口口口口口口口口口口口口口口口口口民庶夫弘割捨之業竊
崇勸導之旨自智橋孤聳寶瓶獨汎引邪迷于覺路拔沈溺于死
河无盡慧燈散照百丈之室上妙甘露流布娑婆之境我皇帝垂
衣秉麻紐地補天二曜連暉五精合彩輕徭緩賦仁被草木好生
惡殺澤及豚魚灑法雨已潤羣生建寶幢而導黠首四民仰化九

服從風沼州南和縣者星膺胄昴地連趙魏水陸交會人物殷阜
斜眺衡彰金鳳凌波而曜色卻瞻瀛碣玉馬映雪而騰光于斯時
也使持節儀同三司刺史辛公已明德上才賽惟此境公名號字
士信隴西狄道人風神秀起雄圖傑出博覽書傳總括既能行成
規矩言爲楷則是㠭曳裾棘座高步禮闈市朝遷革位望彌重自
建旗之部威惠俱行明闡憲章深練治體推誠化下竭心奉上姦
豪傑疊黎庶來蘇胡軍將軍司馬田威馮翊廣陽人也志業平允
操履廉白舉目持綱弼諧蕃政野絕帶牛之暴市息飲羊之欺又
有宣威將軍縣令馬君㠭美譽清風製錦斯邑君名暉字士暉扶
風始平人器量宏深風韻清舉信義聞于州里翠弟著于閨門歷
官二朝頻宰三邑明于剖斷善于綏養畱心庶獄小大㠭情寇盜
出奔圍困空宗故使鄉閭敦睦風俗和平家識廉恥人知禮讓凡
羌之來競秀兩岐壯泄之雉共備三異縣尉兗州鄒縣孔經泗州

高平縣魏君遐，躋地望清華。人才謹素，當官理劇，煩而不擁。縣城之北，有澧水焉，其水也。上引七里之源，旁吸百原之口，控清引濁，冬溫夏涼，潰拉朝興，則白日晝闊，澄波夕暝，則朱霞夜映。厥水之上，雖有舊橋，每經汎長，隋流激壞，車牛陷溺，行李嗟辛。有縣老人宋文彪等悟鏡像之非真，知水泡之難住，冀脩十善，迴向一乘，各竭資產，兼相勸化，敬造石橋。自濟行者，自開皇十一年龍集于淵獻，月纏于降婁，爰共經始，數年乃就。碧柱浮空，烟雲等色，金堤枕浦，杞柳交陰，浩浩乎似應龍之導盟津，峩峩乎若靈鼈之冠方丈。自此善因廣渡危難，仰願皇帝陛下尊居太一，道邁虞唐，皇后配象，陰精德高，任似皇太子比曜前星，三善光備，內外文武，州縣官寮法界含生，咸蒙斯福。竊呂洛陽路首，尙傳超石之書，城都柱上，猶題長卿之筆。況復業隆遂古，功濟生民，不有憇揚，孰弘勸獎？于是立碑路側，呂彰厥庸，樹之風聲，懸諸日月。其詞曰：

星漢西轉、川瀆東傾、疏通雲及、津梁乃成。攸攸行道、隱隱車聲、雖言利濟、詎免危城。其一大悲拯物、寶珠斯現、鴻水凝瓶、口花似口、濶口利口、廣開方便、善斷疑網、能除毒箭。其二我皇負扆、君臨萬方、下調玉燭、上叶珠囊、白環獻祉、丹書效祥、藻心玄采、邇彼輪王。其三邯鄲北走、澧源旁射、桑麻隱映、川疇平易、是稱爽境、實爲滋液、士女連衽、車馬蠶跡。其四明州將垂恩不已、憂國若家、視民如子、溫其玉潤、油然雲起、竹馬赴期、蒲鞭示恥。其五穆穆良宰、達于從政、導之禮樂、申旦注令、行合韋絃、清同水鏡、盜賊休止、黔黎歌詠。其六有國者老、閭閻俊民、斷除三毒、歸依四真、故樓危壞、愍彼沈淪、爍金蓮石、共造良因。其七淇基壅產、飛梁口口口固、口口口隱、口口口仁。其八碑拓本

邢州南和縣澗水石橋翼文碑

乃夫氣下闕嶽嶺寬泉流溢岷日口口流長波而口口翻下

億兆之口萬口越下蘭既是凡口斯成郵矣我大隋皇帝口口口
口膺口火德金輪空至朱馬虛來口出神口口生下而口羣口
于時下關口日梁根共口爭口口口高峯下風遠布外慎口口
口謠口寬口口口赤子之念口口蓋于朝野高口口諸耳目秋
下一呈神瑞下公可謂英才口口口聞下之名出口口
口林之下關口地口武都口臨口口器德下稽口口施口口
山岳口口口口難者矣下志安民行成口口口爲口則南和
城後口口澧口洪源口彼高峯口波現于七口百下毀壞但㠭
停輪止轍口馬口蹤口口遠途困茲行李有縣老人宋文龜等竝
是邦家領下洞識流口明鑒口口口脫口義此口心兼相勸
獎營斯上業遂于開皇年也歲次鶴下乃求工異域采玉珍山
龜柱通泉龍梁接漢參差巧鏤口模妙樂之階彫琢精奇狀下闕

申舞蘭陵而紅花全放逕春綠葉紛披值秋霜而更茂清風暫至
下併寫宮商之韻長卿一度畫

橋柱而遐心灑顯重輕蘊多羅而練性但已脩營往日功就今時願
下所口莫非有爲之口念口口流竝是无常之道恐慮災風

橫口怒口濶海此旣緣成畏
下喘息口聞黑闇口口何口片時

留住信知形同石火蓋余口口命侶露口索然消滅是已仰喝將來
下照空口口常樂或施財捨賄續此寬因或助力用功詳營斯福令此途无擁口路恆通共越生死之
下闕乃願灑燈无盡慧炬長輝度彼蒼生濟斯含識其辭曰

品浮上引重濁下沈口脩日月創造山口口口口口尋重超九口凡口寬深其一大海寬寬我皇巍巍四方慕化萬國咸歸靈龜逞瑞潛口現輝祚隆口口口口口口其二併寫宮商之口口口上奉口口口口爲口口早聘口口有好口口无競慎等四知清同

水鏡

其三明令德皎皎賢

章秋禾選瑞夏麥呈祥

其四澧水橫流口泉有樹叢口翁鬱饒

千途競臻口口口口口口口彼黎庶

其五光家孝哲

英賢高官積世口口恆連口口口復竝

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

口

太祖武皇帝資神龍虎剖判鬱日間基名頌識牒謠倣真人火運告終土德承厯爰據圖籙享有天下驟改質文馳遷正朔英雄之氣蓋有餘矣昆不魏高祖文皇帝紹卽四海光澤五都負扆明堂朝宗萬國允文允武庶績咸熙正踐昇平時稱盛晏致黃龍表瑞驗兆漳濱玉虎金雞恆綸宇蘇王乃黃內通理愴淑哈英徵哲稟于自然博愍由于天縱佩金華呂邁四氣抱玉操如忽風霜縹贈藻于孩年搨酉什于孺歲尋聲制賦膺詔題詩詞采照灼子雲遙慚于吐鳳文華理富仲舒遠愧于懷龍又能誦萬卷于三冬觀于言于壹見才比山藪思竝江湖清辭苑苑若藪藪之蔚鄧林綠藻如妍如河英之照巨海武庫太官之譽擢促之器者也但祿由德賞頻亨王爵建安十六年封平原侯十九年改封臨淄侯都不昌貴任爲懷直置清雅自得常閑步文籍偃仰琴書朝覽百篇夕存吐握使高據擅名之士侍宴于西闈振藻獨步之才陪遊于東閣

黃初二年奸臣譖奏遂貶爵爲安鄉侯三年進立爲王口京師面陳濫謗之罪詔令復國自呂懷正信如見疑抱利器而無用每懷怨慨頻啟頻奏四年改封東阿王五年已陳前四縣封復封爲陳王呂讒言數構奸臣內興十一年裏頻三徙都汲汲無歡遂發憤而薨時年卅有壹卽營墓魚山傍羊茂臺平生遊陟有終焉之所旣如年代夐遠兆塋崩淪茂譽英聲遠而不絕至十代世孫曹永洛等去齊朝皇建二年蒙前尊孝照皇帝恢弘古典敬立二王崇奉三恪永洛等于時膺符表貢面奉照皇親詘聖詔比經窮討皆存實錄蒙敕報允興復靈廟饋嗣蒸嘗四時受謁使恭恭嗣子得展衷誠之願筦筦孝孫長畢昊天之慕遂雕鏤真容鑄金寫狀庶使口口口相度永劫而不泯七步文宗傳芳猷于萬葉者也其詞曰

惟王磐石斯固締緒攸長波連溟渤枝帶扶桑分珪作瑞建國開

壇蕙樓菌閣，遠邁靈光。其器調高奇，風革梳朗，談人刮舌，靈蛇躍掌。東閣晨開，西菌夜賞，桐華桂茂，玉潤金響。其二聲馳天下，道冠生民，才驚曠古。德重千錄，混之不濁，磨而不磷，如何一旦萎我哲人。其三山舟易失，日車難駐。壹謝人間，長遵埏路。風哀松柏，墳穿狐兔，何世何生，還成七步。其四迺考惟昆廓，定洪基，受圖應麻，運合紫微，一辭皇闕，永背象曰。日轉轡，逐雲飛。其五大隋開皇十三年歲次星紀。下闋碑

插本

賜進士出身，一品銜廣東等處提刑按察使司按察使兼管驛使事務黃岡王毓濱校刊

全隋文卷二十九終